


c. 97

R





Declatation fai-
CTE PAR LE ROY SVR
L'EDICT DE L'ABBRE-
uiation des proces.

*Publié en la Court de Parlement à Rouen,
le xx. iour du mois d'Avril apres pasques.*

1 5 6 4.



A ROYEN.

*Chez Martin le Mesgissier libraire, & Imprim-
meur du Roy, tenant sa boutique au hault
des degrez du Palais.*

M. D. LXIIII.

Declaration

CH. PAR. LE ROY

Case
F

39
326
Public in the Court of Admiralty
le x. jour du mois de Mars l'an 1795

1564 fr



MAISON

chez M. de la Motte, Libraire, et
M. de la Motte, Libraire, et
M. de la Motte, Libraire, et
M. de la Motte, Libraire, et

M. D. L. III

DECLARATION FAI-

CTE PAR LE ROY SVR

*l'Edict de l'abbreuiation
des proces.*

HARLES par
la grace de Dieu
Roy de France, A
tous ceux qui ces
presentes lettres
verront, Salut.

Sçauoir faisons,
Que pour oster les doubtes & difficul-
tez qui pourroyent interuenir sur au-
cuns articles contenus en l'Edict fait
sur l'abbreuiation des proces au mois
de Nouembre dernier, Et pour facilli-
ter la perception des sommes que par
iceluy Edict nous auons ordonné estre
consignees & leuees sur ceux qui plai-
deront: Auons par le Conseil de nostre

A.ii.

treshonoree Dame & mere, des Princes & Seigneurs qui sont lez nous, dict declaré, voulu & ordonné, disons, declarons, voulons & ordonnons ce qui s'ensuit:

P R E M I E R E M E N T,
Que nostredict Edict ait lieu & sorte effect: Sçauoir en nostre Cour de Parlement, Ville, Preuosté, & Viconté de Paris des le treizieme iour de Decembre dernier qu'il fut leu & publié en icelle Cour. Et pour le regard des autres Bailliages, Seneschaussées & iurisdicions Royales, ressortissans en ladicte Cour, du iour que ledict Edict aura esté présenté esdicts sieges Royaulx Bailliages & Seneschaussées.

Lequel Edict ordonnns auoir lieu en toutes actions, proces & instances qui auroyent esté auparauant ladicte publication intentees, & qui n'estoyēt

contesteés lors de ladiète publication
& presentation d'iceluy Edict . Et le
semblable voulons & nous plaist estre
faict & gardé par tous les ressorts & iu
risdictions respectiuement de toutes
nos autres Cours souueraines.

Et pource que par nostredit Edict
est faicte mention des actions mixtes,
Nous auons entendu & entendons
soubz lesdits termes & noms d'icelles,
estre comprises les causes & instances
des complainctes & possessoires inten
tees par deuant nos Iuges Royaulx,
pour raison du possessoire de tous be
nefices & de dîmes demâdees par per
sonnes Ecclesiastiques, & autres, de
quelque qualité qu'ils soyēt: Et pareil
lemēt des causes qui auront esté ciuil
lisees, esquelles les parties sont receues
en proces ordinaire, & ou les parties
auront pris conclusions ciuiles.

A.iii.

Et à fin de sçauoir au vray quelle
somme lon fera tenu de consigner à la
cōtestation & premiere cōtradiction,
Nous auons defendu à tous Huissiers,
sergens & appariteurs, de faire aucuns
exploicts ou adiournemens qu'ils ne
soyent libellez, & qu'il ne cōtiennent
les sommes demandees, si c'est pour
sommest certaines & liquides : ou bien
eualuation & estimation, si c'est en a-
ctions reelles ou mixtes, comme dict
est, avec les demeurances des parties.

Et ou ausdictes actions reelles ou
mixtes n'y aura aucune estimation ou
eualuation, le demandeur sera tenu
payer & consigner la somme de cent
sols tournois.

Et aussi és causes & matieres ciui-
les, ou nos Procureurs, & de nostre
tres honoree Dame & mere, ou de nos

treschers Freres seront seuls parties: ils
seront tenus d'exprimer & declarer par
l'appoinctement de cōtestation la val-
leur des choses dont sera question au
proces, à fin de cognoistre ce que ce-
luy qui succombera devra payer sui-
uant nostredict Edict, & dont sera de-
liuré exequutoire contre les cōdamnez,
pour les contraindre au payement de
ce qui sera deu, & par corps, suyuant
nostredict Edict.

Et pour donner reiglement aux
Cours & Iurisdiccions, esquelles les
appoinctemens ont accoustumé estre
pris entre les procureurs des parties
sans les enregistrer: Nous auons voulu
& ordonné, voulons & ordōnons que
celuy des Clercs & cōmis du greffier,
ou autre qui sera commis & deputé
par nous ou nos fermiers, pour enregi-
strer & parapher tous les appoincte-

ments qui seront prins & accordez
hors iugemens, contenans contradi-
ctions, denegations, defenses con-
testations, defaults, congez ou congez
deffaults portez par nostredict Edict,
prendra vn brief d'iceulx cōtenant les
noms, surnoms & demourances des
parties, & ce dont est question. Et ne
pourront les procureurs, sur peine de
Cent liures parisis d'amende, qui sera
leuee sur eulx en leur propre & priuē
nom, sans depport & de nullité des a-
ctes, bailler l'un à l'autre baillez ou ap-
pointemens, cōtenant cōtradiction
& denegation en la demande qu'on a
accoustumé vser & bailler, en quelque
sorte que ce soit, qu'ils ne soyēt signez
& paraphez dudict Greffier ou com-
mis: Lequel ne pourra prendre aucun
salaire pour railon de ce.

Et sem-

Et semblablement auons faict inhibitions & defences à tous les Greffiers de ce Royaume, d'expedier aux parties, ou procureurs d'icelles les actes de contestation & contradiction, & autres appointemens. Et ausdicts Procureurs passer auât en la cause, que au preallable lesdicts droicts ne soyent payez. Et ce sur les mesmes peines de cent liures, comme dict est, & de nullité desdictes actes.

Et pour euitier aux fraudes & abus qui pourroyent estre commis par les Procureurs, aduocats, Greffiers & tous autres practiciens indifferemmēt, soit en nos Cours de Parlement, grand Conseil, Generaulx des Aydes, Chambre de nos Comptes, Chastelet de Paris, & toutes autres iurisdictiones de nostre Royaume: Voulons, ordonnons & nous plaist, qu'ils soyent tenus exhi-

Bi.

ber, cōmuniquer & représenter à nos-
dits fermiers, leurs receueurs, commis
& deputez, leurs registres, prothecol-
les, cedulles, doussiers, & aultres pa-
piers, ou ils ont accoustumé rediger
leurs expéditions, procédures, & ap-
pointemens, toutesfois & quâtes que
requis en seront: & eulx purger par ser-
ment, sur peine de cent liures paris
d'amende pour la premiere fois, qui se-
ra leuee sans deport.

¶ Voulons aussi, que comme le de-
mādeur est tenu de payer nos droictz,
à sçauoir six deniers tournois, ou vn
sols pour liure, lors qu'il obtient sentē-
ce ou iugement par default & contu-
mace, le defendeur qui obtiendra con-
gé contre le demandeur, & par vertu
d'iceluy sera absous des instances, fins
& conclusions dudiect demandeur: En
ce cas il soit tenu, suyuant nostredict

Edict, de consigner & payer selon l'e-
ualuation & estimation qui se trouue-
ra auoir esté faicte par le demandeur: à
la charge de repeter cōtre ledict demã
deur ce qu'il aura payé, & par corps.

Et combien qu'à l'article des appel-
lations cōtenu en nostredict Edict ne
soit faict expresse mention d'anticipa-
tion ne desertion: Nous declaronz a-
uoir entendu, & entendons qu'il soit
payé pareil droit pour icelles anticipa-
tions & desertions par les anticipans
& faisans adiourner en desertion, que
pour les appellations par les appelans.

Et pareillement auons defendu &
defendōs ausdicts Procureurs d'exe-
dier & deliurer cy apres aucunes requē-
stes ciuiles, qu'il ne leur apparaisse de
quictance du payement qui aura esté
faict du droict à nous deu pour lesdi-

des requestes ciuiles: Et ou il s'en trou-
uera auoir esté autrement expediees
& deliurees, En ce cas le Procureur qui
aura fait ladicte expedition sera tenu
& contrainct en son propre & priué
nom, & comme pour nos debtes & af-
faires payer ledict droict à nous deu-
loyant nostre dict Edict, à cause des-
dictes requestes ciuiles: Sauf à repeter
sur les parties qui auront succombé.

Et pour le soulagement des parties
& euer les frais, Nous voulons & ordon-
nons que le droict & esmolument que
nous auons ordonné estre payé pour
chascun default, congé, ou congé de-
fault sur les deffaillans, qui est de cinq
sols tournois par deuant nos Baillifs,
Preuosts, Seneschaulx & Iuges Presi-
diaulx, & de dix sols tournois en nos-
dictes Cours souueraines: Sera payé
par ceux qui auront obtenu lesdicts

defaults ou cōgez, dont leur sera baillé
exécutoire pour le default ou cōgé qui
sera leué pour contraindre les defail-
lans par mesme moyen, en les faisant
readiourner ou executer par vertu des
dicts defaults & sentēces obtenues sur
iceulx au payement & remboursemēt
de ce qu'ils auront payé: Nonobstant
oppositions ou appellations quelcon-
ques.

Et pareillement le defendeur qui
aura obtenu congé contre le deman-
deur, payera & cōsignera mesme som-
me que le demandeur est tenu payer
pour le default suyuant nostredict E-
dict Et auons taict inhibitions & de-
fenses à tous Greffiers, leurs clerks, &
commis sur peine de cent liures parisis
d'amende pour la premiere fois, qui
sera prinse & leuée sans deport sur le
contreuenant, de deliurer aucuns des-

dicts defaults & congez, qu'il ne leur apparaisse preallablement de la quittance du payement & consignation qu'ils aurót faiçts du droict qu'ils sont tenus payer.

Et quant à ce qui touche l'article des recusations, Nous voulons que tous Presidents, Conseillers, Iuges, Enquesteurs, Examineurs, Huissiers, Audiéçiers, sergens, notaires, & autres commissaires qui vaqueront en execution d'arrest, sentences & iugemens, ou faction d'enquestes qui seront recuzez, Seront tenus quinze iours apres leur retour, bailler aux Greffiers de leurs Cours & iurisdicions les sentences & iugemens qu'ils auront donnez sur lesdictes causes de recusations & procedures par eulx faiçtes: Sur peine de nullité de tout ce qui aura esté par eulx faiçt. Lesquels greffiers seront te-

nus en faire registre, sur peine de cent
liures qui seront leuez comme dessus.

Et semblablement tous appoinctemens mis au pied des requeltes des recusations, par lesquels les recusans auront esté receus à verifier les causes de recusations, seront enregistrees: autrement nous defendons à nosdicts Iuges y auoir esgard, & aux recusans se pouuoir aider desdictes recusations.

Et pour le regard de toutes causes & matieres de criees, & oppositiōs formees à icelles criees, ou executions de biens meubles, les parties serōt tēues d'accorder & passer appoinctement qui conuiendra le reiglement & contestation sur leurs oppositions, & ce dōt il est question en leurs oppositions, l'eualuation & estimation des choses, pour raison desquelles icelles opposi-

tions auront esté formées : lequel appointement sera enregistré au greffe desdictes iurisdicions, au parauant que les parties puissent produire ne poursuyre le iugement desdictes oppositions. Et faisons inhibitions & defenses aux Procureurs, sur peine de cent liures patisis d'amende en leurs priuez noms, qui sera leuee sans deport, à la maniere que dict est, de faire aucune poursuyte ne production sur lesdictes oppositions, que lesdicts appointemens ne soyent paraphez: à scauoir en nosdictes Cours de Parlemēt, des Aydes, & autres souueraines, par les Greffiers, ou leurs clerks & commis, ou tel autre que par nous, ou nos cōmis fermiers sera député: sans qu'ils en puissent prendre aucun salaire. Et és autres Cours subalternes & Iurisdicions, és greffes d'icelles, comme ont accoustumé faire les autres appointemens.

N'enten-

N'entendons aussi sous ce mot de *pauvres* contenu en nostre dict Edict, comprendre sinon la communauté des pauvres misérables, & ceux qui vont mendians par les portes.

Et pource qu'il y a confusion & désordre sur la forme des Roolles & extraicts que nous auons ordonné estre baillez par les Greffiers à nosdicts fermiers, pource que les aucuns y mettent les noms des parties seulement, sans y mettre les sommes: les autres les noms des Procureurs, sans nommer les parties, ne les sommes, & autres qui y mettent vn grand narré de l'entiere demande, plaidoyé & ordonnance des Iuges, tellement que les aucuns desdicts Roolles & extraicts montent presque autāt que les sommes de ladicte subuention

Nous à ceste cause, pour y obuier, & redre lesdicts extraicts clairs & sans su

peffruité de langaige, Auons ordonné
& ordonnons que lesdicts Roolles &
extraicts contiendront & porteront
purement & simplement quant és côte
stations, les nōs du demãdeur & defen
deur, les lieux de leur demourãce, avec
la somme demandee, comme s'ensuit,
*Vn tel demandeur, demourant en tel lieu
contre vn tel demourant en tel lieu, pour la
somme de Sans y adiouster ou am
plifier autre chose.*

Et quant és defaults & appellatiōs,
les noms des parties seulement, com
me il s'ensuit,

Default à tel contre tel.

Vn tel appellant contre tel.

Et ainsi consequemment des autres
natures des causes portees par nostre
dict Edict.

Defendant tresexpressement aus
dicts Greffiers de n'allonger ou ampli
fier lesdicts Roolles & extraicts d'au

tres termes ou langaiges, que desdicts
noms, demourances & sommes, à pei-
ne de dix liures d'amende sur chascun
d'eux, & de priuation des six deniers
pour Roolle par nous à eux ordonnez
par nostredict Edict.

Et sur les Roolles & coppie des re-
gistres qui seront deliurez par les Gref-
fiers, suyuant nostredict Edict, & ce
qu'aurions cy dessus ordonné de con-
testations, contradictions, oppositiōs,
propositiōs d'erreur, requestes ciuiles,
recusations, defaults & congez. Ceulx
qui ont prins à maī ferme & close nos-
dicts droicts & esmoluments, ou leurs
commis & deputez, Pourront, & leur
auons permis & permettons, deliurer
leurs contrainctes & escroues, pour cō-
traindre ceulx qui deuront, en la for-
me & maniere qu'ont accoustumé fai-
re les Receueurs des amendes & ex-

ploicts de nosdictes Cours de Parlemēt, & comme pour nos propres debtes & affaires.

Et si pour raisō de nostredict Ediēt, declaration & interpretation, reiglemēt & forme de percevoir les droicts & esmolumens d'iceluy & de la forme & cueillette d'iceulx, il aduenoit quelques differends entre lesdictes parties: Inhibons & defendons à nos Cours de Parlemēt, & des Aydes, Chambres des Comptes, Seneschaulx & Baillifs, & tous autres Iuges, d'en prendre aucune iurisdiction, & auons la cognoissance d'iceulx differends retenue & retenons à nostre personne & nostre Conseil priué: fors & excepté seulement des executions, saisies & contraintes, établissement de commissaires, gardiens, sequestres & depositaires, redditions des comptes, & autres differends, pour & a raison du payemēt &

cueillette de nosdicts droicts: auquel
cas voulōs lesdicts proces & differēds,
leurs circonstances & dependances
estre traictez & pour suyuis par deuant
les Iuges delquelz serōt emanēz les Iu
gemens & contrainctes, ou les actions
& proces auront esté intentez, conte
stez ou iugez, comme dict est.

S I D O N N O N S en man
dement à nos amez & feaulx les Gens
tenans nos Cours de Parlemēt, Cham
bre des Comptes, Generaulx de la Ius
tice de nos Aydes, & à tous nos au
tres Officiers & subiects, & à chascun
deulx, si comme à luy appartiendra,
Que nos presens Declaration vouloit
ordonnance, & contenu cy dessus, ils
entretiennent, gardent & obseruent,
facent entretenir, garder & obseruer
inuiolablement de poinct en poinct,
selon leur forme & teneur, & icelles

enregistrer és greffes de nosdictes
Cours, & par tout ailleurs ou besoing
sera. Car tel est nostre plaisir. Nonob-
stât toutes autres Ordônances, Edicts,
& lettres à ce cōtraires. Et pource que
de celsdictes presêtes lon pourra auoir
affaire en plusieurs & diuers lieux,
Nous voulons que au vidimus d'icel-
les faict soubz seel Royal, ou deuemēt
collatiōné, foy soit adioustee comme
au present original. Lequel en res-
moing de ce nous auons signé de no-
stre propre main, & à iceluy faict met-
tre nostre seel. Dōné à Fontainebleau
le deuxieme iour de Mars, L'an de gra-
ce mil cinq cens soixante trois, Et de
nostre règne le quatrieme.

Signé C H A R L E S.

Et au dessoubz, Par le Roy en son Cō-
seil, R O B E R T E T.

Et seelle du grād seel à double queue
de cire iaulne.

LECTA, *publicata & registrata,*
audito Procuratore Generali Regis, Rotho-
magi, in Parlamento vicesima die Aprilis,
Anno Domini millesimo quingentesimo se-
xagesimo quarto.

Sic signatum, DE BOISLEVESQVE.



